



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

UPUTSTVO

**o dopunama Uputstva za popunjavanje
izvještaja banke o obimu mjenjačkih
poslova i platnim transakcijama**

Sarajevo, juni/lipanj 2022. godine

Na osnovu člana 5. stav (1) tačka h) i člana 23. stav (1) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), člana 16. stav (1) tačka (k) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18) i člana 8. Odluke o izvještajima koje banka dostavlja Agenciji za bankarstvo Federacije Bosne i Hercegovine u nadzorne i statističke svrhe („Službene novine Federacije BiH“, broj 86/20), direktor Agencije za bankarstvo Federacije Bosne i Hercegovine dana 06.06.2022. godine donosi

UPUTSTVO O DOPUNAMA UPUTSTVA ZA POPUNJAVANJE IZVJEŠTAJA BANKE O OBIMU MJENJAČKIH POSLOVA I PLATNIM TRANSAKCIJAMA

Član 1.

U Uputstvu za popunjavanje izvještaja banke o obimu mjenjačkih poslova i platnim transakcijama Agencije za bankarstvo Federacije Bosne i Hercegovine broj: 01-178/21 od 18.01.2021. godine, u članu 2. stav (1) iza tačke d) se dodaje nova tačka e) i glasi:

“e) Izvještaji koji se odnose na tarife naknada su:

- 1) Izvještaj o tarifama naknada za najčešće nekreditne usluge fizičkim licima – Obrazac: PP 20.00 i
- 2) Izvještaj o tarifama naknada za najčešće nekreditne usluge pravnih lica – Obrazac PP 21.00.“

Član 2.

(1) Iza člana 6. dodaje se novi član 6a. i glasi:

„Član 6a.

Upute za popunjavanje obrasca koji se odnosi na tarife naknada

(1) U obrascima PP 20.00: Izvještaj o tarifama naknada za najčešće nekreditne usluge fizičkim licima i PP 21.00: Izvještaj o tarifama naknada za najčešće nekreditne usluge pravnim licima banka sa sjedištem u FBiH, za izvještajni period, u definisana polja unosi podatke o iznosima naknada koje se naplaćuju za pojedinačne nekreditne usluge, na način kako se dalje navodi:

| PP 20.00: Izvještaj o tarifama naknada za najčešće nekreditne usluge fizičkim licima PP 21.00: Izvještajni obrazac naknada za najčešće nekreditne usluge pravnim licima | |
|--|--|
| Kolone | |
| 010 | Periodičnost naplate Banka navodi periodičnost naplate naknade (npr. jednokratno, mjesečno, po transakciji...) |
| 020 | Iznos naknade – Povlaštena Banka navodi povlaštenu tarifu, npr. za transakcije unutar bankarske grupe, za korisnike paketa usluga i druge povlaštene korisnike. Ukoliko ima više povlaštenih tarifa u okviru ove kolone navodi se raspon naknada od minimalne do maksimalne vrijednostima. |
| 030 | Iznos naknade – Minimalna Ukoliko banka u okviru konkretne usluge ima različite tarife zavisno od vrste klijenta, iznosa plaćanja, valute plaćanja ili nekog drugog kriterija, u kolonu "Minimalna" navodi najnižu tarifu. |
| 040 | Iznos naknade – Maksimalna |

| | |
|--|--|
| | Ukoliko banka u okviru konkretne usluge ima različite tarife zavisno od vrste klijenta, iznosa plaćanja, valute plaćanja ili nekog drugog kriterija, u kolonu "Maksimalna" navodi maksimalnu tarifu. Ukoliko banka nema različitih tarifnih stavova za istu uslugu, kolone 030 i 040 su jednake, npr. ukoliko banka za određenu uslugu ima naknadu definisanu u formi „0,25% min. 20,00 KM max 200,00 KM“, ista će u ovom formatu biti navedena u obje kolone. |
|--|--|

- (2) U obrascima PP 20.00: Izvještaj o tarifama naknada za najčešće nekreditne usluge fizičkim licima i PP 21.00: Izvještaj o tarifama naknada za najčešće nekreditne usluge pravnim licima banka, za vrstu usluge „Paketi usluga“, samostalno navodi nazive svih aktivnih vrsta paketa usluga koje ima u ponudi.
- (3) U obrascima PP 20.00: Izvještaj o tarifama naknada za najčešće nekreditne usluge fizičkim licima i PP 21.00: Izvještaj o tarifama naknada za najčešće nekreditne usluge pravnim licima banka, za vrstu usluge „Drugo“, navodi opis nove usluge koju je uvela u odnosu na prethodni izvještajni period i podatke u skladu sa opisima datim za pojedinačne kolone. Ukoliko u izvještajnom periodu ima više novih usluga, banka svaku navodi u zasebnom redu.“.

Član 3.

Ovo uputstvo stupa na snagu danom donošenja i objavljuje se na službenoj internet stranici Agencije.

Broj: 01-2402/22

Datum: 06.06.2022. godine

DIREKTOR

Jasmin Mahmuzić, s.r.